

# ARUBA ANSE COURANT

Instala aireacondi  
cionado na Bo  
Cas AWOR!!



Diario



pa Aruba

TRY.....

Tropical Cherry

a fine NEW softdrink

from

Tropical Bottling Co.

estd. 1773



tel. 2170

No. 3341

DIARAZON 21 JANUARI 1959

ANJA 20

## Prome minister Macmillan ta considera situacion na Berlin alarmante

Segun „Newsweek“ gobierno Americano ta studiando dos posibilidad pa sali for dje impasse

Londen, 20 januari. — „Ta natural“ cu mester considera situacion na Berlin „alarmante“, asina prome ministro Macmillan a declara awe den Camara de los Comunes. El a recorda, cu e potencionan occidental a propone den e nota cu nan a manda Rusia, pa convoca un conferencia pa discuti e asunto aki.

E prome ministro ingles a bisa cu e mester ta dispuesto na discuti cualquier proposicion pa reuni Alemania den libertad cu gobierno ruso. Macmillan a bisa ademá, cu e discusionan diplomatico reciente eu e rasonan a demostra, cu ambos parti do ta desea di tene negociacion. Nos ta preparando un conferencia durante discusion cu nos aliadonan, asina Macmillan a bisa.

Hugh Gaitskell, lider dje oposicion laborista, a puntra, si e aliadonan occidental ta mantene ainda, cu un Alemania reuni mester ta liber pa bira miembro di Pacto Atlantico. Macmillan a contesta bisando, cu Alemania reuni lo no ta liber, si e no por tuma su propio decisionnan respectu su politiek exterior.

Ora cu Gaitskell a sigui persisti Macmillan a declara: „M: kier un discusion y mi kier un solucion. Pero mi no ta desea di atende un conferencia despues cu mi tin un punto di bista, cu lo butami den un posicion inferior, prome cu e conferencia cuminsa mes.“

Alemania mester worde reuni, asina Mac Millan a continua bisando. Y gobierno dje Alemania reuni mester ta liber pa determina su politiek exterior. Mi ta di acuerdo cu Dulles, cu ta existi mas cu un manera pa efectua e reunion aki. Lo mi haec tur loke ta posible pa e contestacion cu nos lo duna riba e ultimo nota ruso, hanja tur aprobacion di nos aliadonan.“

Declaracion di „Newsweek“  
E revista semanal mericano „Newsweek“ a informa, cu, aunque cu pun-

to di bista di Merca respectu e problema Berlin y esun di Alemania no a cambia oficialmente, circulanon di gobierno toch ta studia 2 posibilidad pa sali for dje impasse actual.

E revista a declara cu e dos solucionnan eu ta worde studiat actualment, ta: 1) un „Bond di estado“ di e 2 Alemanian, cu lo worde establece provisionalmente te cu reunion berdadero por tuma lugar a base di eleccion libre; y 2) establecimiento dje capital di Alemania Occidental for

di Bonn pa Berlin Occidental y establecimiento di relacion oficial entre Alemania Occidental y Alemania Oriental. Segun „Newsweek“ e diplomatanan di Pacto Atlantico ta yama e proyecto aki e „Plan-Murphy“ pa e hende eu a formula e plan, e subministro di asuntonan exterior di Merca, Robert Murphy.

Segun „Newsweek“ por conclui cu e politiek di Merca ta worde revisa for dje siguiente hechonan: Merca a informa e diplomatanan di Pacto Atlantico, cu un conferencia na nivel haltu entre Merca, Rusia, Inglaterra y Francia lo tuma lugar den primavera. E can-

AIR CONDITIONING

men na Alemania Oriental door di Alemania Occidental, loke nan a recomenda Adenauer di haec, lo ta pa haec posible pa Alemania Occidental hanja entrega den e zona oriental y pa funcionan como atraccion pa elementonan cu ta simpatisa occidental, asina „Newsweek“ a informa.

## Posibilidad di baha prijs di corriente ta worde investiga

ORANJESTAD — Bestuurscollege di Aruba a tuma medida pa investiga e posibilidad di baha prijs di corriente. En conexion cu esaki, Bestuurscollege a nombra un comision di experionan kendenan actualment ta studiando e asunto aki i pronto lo presenta un informe na Gobierno.

Despues di a negava riba e materia aki cu compania „Elmar“, Bestuurscollege lo tuma e contacto necesario cu Gobierno Central di Antillas.

## Tivoli „B“ a gana Caribe den biljard

(Di nos Sportreporter)  
ORANJESTAD — Despues di e partido di futbol hunga Dialuna atardi, e mes anochi tabatin encuntronan di biljard en conexion cu e celebracion 20 anja di existencia di Caribe. Un quinteto „B“ di Tivoli a entena e caribenjanan y a logra un

victoria di 3—2. E scorenan individual ta lo siguiente: Jossy Mansur di Caribe a gana Lorenzo Arends di Tivoli 75—71. E encuentro a empata ora cu Oscar Hart di Tivoli a gana Michael Muyale cu score 75—66. Otto Navarette no a logra espera victoria pa Caribe contra di Eric Croes y a perde 75—70. Pero e siguiente

Pa tur bo aseguranon  
FATUM — Tel.: 1845

partido ta bolbe tree un empate ora cu Echi Croes ta derrota Ru Arends 75—70. E partido decisivo tabata entre Carlos Ponson (Caribe) y Capois Laele (Tivoli). E ultimo aki a logra gana 75—51 dunando su club asina e victoria den biljard cu score di 3—2.

## Serie Amateur entre Venezuela, Puerto Rico y Cuba

(Di nos Sportreporter)  
Na fin di e otro luna di principio di Maart lo worde organisa un serie di baseball na La Habana, Cuba. E

paistan cu lo participa ta Cuba, Puerto Rico y Venezuela. Lo worde hunga pa e Copa „La Libertad“. Aunque no ta sigur ta existi e posibilidad cu lo worde invita un seleccion di Colombia tambe pa turua parti.

## Candidatanan di „Juventud Cristian“

ORANJESTAD — Candidatanan pa reina di carnaval di e R.K. Juegd-organisatie Juventud Christian ta ELENA IBERRA, FELICIA FELICIANO y INA TROMP. Dia 28 lo worde anuncia cual di nan a keda eligi como reina, y dia 4 di Februari e coronacion lo tuma lugar den club.

## Fronzizi a yega Washington

WASHINGTON, 20 jan — E presidente di Argentina, Arturo Fronzizi, a yega Washington awe a bordo dje avion di Eisenhower. Presidente Eisenhower personalmente a ricibi Fronzizi na aeropuerto. Ta di prome bez, cu un lider Argentino ta haci un bishita na Merca.

## KLM ta bai reduci vuelonan pa Miami?

En cambio cu mas frecuencia pa New York

ORANJESTAD — Ta parse cu na KLM nan tin e intencion entrante e „zomerdienstregeling“ pa reduci e cantidad di vuelonan Aruba—Miami v.v. En cambio, nan lo aumenta e cantidad di vuelonan Aruba—New York v.v. E so-called vuelonan „Island Hopping“ di KLM pa Miami, na unca nan ta baha na varios villegveld, cu e aregio di 1 di April proximo anto lo keda anula, pa motibo cu e vuelonan aki no tin e cantidad di pasaheronan cu nan a spera. E vuelo pa New York en cambio ta desuroyando satisfactoriamente, motibo cu nan kier bai aumenta e frecuencia.

Confirmacion di loke ta menciona aki riba te cu awor nos no por a haya di KLM. Uno y otro aparentemente ta den estudio provisional y e plan no ta definitivamente ainda.

Actualmente KLM tin un vuelo tur dia pa Miami, di cual cuater directamente y tres „Island Hoppers“. E cantidad di vuelonan pa New York actualment ta cuater pa siman, cual lo worde aumenta anto te cu seis vuelo pa siman. Ta hopi anja caba cu Aruba tin conexion directo cu Miami tur dia.

Pa un bril, cu ta hacibo atractivo

SPRITZER & FUHRMANN OPTIEK

ORANJESTAD TEL. 1320  
SAN NICOLAS TEL. 5015

MODERNO APARATOS  
PA „SLIP GLASS“

## JUNIORES NA ANJA 1944



Sr. Chimbo Croes (robez patras) cu su elftal di junioren na 1944. Bo por reconose algun di nan? Patras di r.p.dr. ta senior Croes, August Croes, Mirto Laele, Luis Pinedo, Janny Brokke, Rey Franken y Mario Kelkboom. Centro: di r.p.dr.: Efrain Tromp, Edwin de Cuba, Nicolas de Cuba y Julio Jansen. Dilanti di r.p.dr.: Gabriel Kelly, Luis Aponte y Juan Koch.

## Dia 15 Di Otro Luna R.C.A. Ta Cumpli 25 Anja

Di nos sportreporter  
O'STAD: — Un di e clubnan di mas bieuw di nos isla lo cumpli un cuarto di un siglo di existencia den curso di otro luna. E club aki ta e conocido RACING CLUB ARUBA „R.C.A.“. Ora cu na anja 1933 e tres deportistanan Emirt Reinhardt, Ant. Morales y Orito Quillotte a reuni pa forma un organo di futbol, ningun momento nan por tabata tin den nan cabez cu esey tabata significa comienzo di un club cu lo a cosecha tanto gloria den su historia.

E promer number cu a worde duna na e onena tabata di „A.B.C.“ loke tabata pa Aruba's Beste Club. Interion di e club tabata pa e hobenan aki por practica futbol, pero den e siguiente anja, 1934, e interes a crece y huntu cu ne a cuminsa un entusiasmo enorme pa hacie e club mas formal y mas grandi. Asina dia 15 di Februari 1934, un reunion a worde teni y e club a keda forma oficialmente. Como presidente a worde eligi Sr. Jose Carmelo Croes. Den e mes un anja A.B.C. a afilia na Aruba Voetbal Bond y den e promer campionato cu e ta participa e la terminacion di number cuatro. E onena tabata consisti di e siguiente hungadornan: F. Cohen (keeper), H. van Dinter, G.P.D., F. Martis, F. Calatayud, M. Loefstok, A. Morales, G. Stamper, B. Pieters, H. van Engelen, C. Quillotte y A. de Cuba.

Te na anja 1937 mas o menos e equipo tabata consisti di e mes hungadoman menciona. Durante 1937 a bin algun cambio. Dia 1 di Februari 1937 a ser teni un reunion general y a cai e decision di cambia e number di „A.B.C.“ den RACING CLUB ARUBA, cu ta mihor conoci como „R.C.A.“. E directiva cu a goberna prome hoo di e number nobo tabata ta bina pa e siguiente senjornan: Jose Carmelo Croes, presidente; J. F. Bouwman, vice-presidente; A. Morales, F. de P.

Wever, P. Mackay, C. Philipszoon y M. Everisz.

Algun anja despues a presidencia a pasa pa man di F. Wever, kende a desempeña e cargo aki hopi anja y tabata un di e mas dinamico trahadornan pa e club.

R.C.A. poco poco tabata gana number como un fuerte equipo di futbol ariba nos isla. Na anja 1937 nan a haci nan promer viahe pafor di nos isla y a bai hunga dos partido na Corsow. Esakinan no tabata exitoso ya cu tanto contra di Jong Holland como contra di R.C.C. nan a perde respectivamente cu score di 3—1 y 4—1.

Statuten pa e club a keda forma na anja 1938 e huntu cu e paso aki a ser tuma un otro cu luego a worde sigi pa 17 otro mesos. R.C.A. e anja aki a bira campeon di nos isla pa di promer biaha. Nan record tabata di 9 gana, 1 empata y 0 perde. Den e onena cu a obtene e promer titulo un di e estrellanan tabata Boes Tromp, kende tabata e keeper.

Den e anjanan cu a sigi R.C.A. a haci varios viahe mas na exterior. Asina na anja 1947 nan a bai hunga dos partido na Caracas, caminda nan a perde 6—2 y 6—4. E siguiente anja nan a worde invita pa hunga na Haiti caminda nan a actua 4 biaha, ganando 1, empatando 2 y perdiendo 1 biaha contra di e Seleccion di Haiti.

(E ta sigi na pag. 3)

## Un foto masha bieuw



Esaki ta un foto masha bieuw di den archivo di R.C.A. Aki nos ta mira e prome elftal cu a worde forma na anja 1941. Mas patras nos ta mira: poro di r.p.dr.: Frans de P. Wever, Modesto Oduber, Tommy Tromp, Ismael Croes, Frans Kelkboom, Damian Tromp, Profirio (Fichi) Croes, Aranda Chirino, Federico Tromp y Daniel Kelly. Riba e careda dilanti di r.p.dr. ta Laureano Jansen, Jossy Brokke, Vi Henriquez, Antonio Morales y Nicolas Pimenta.

Texas Furniture Store  
VOOF  
Eetkamermeublementen

CINE  
AWE NOCH  
21 DI JANUARI

DE VEER  
Tur edad  
8.30  
THE BRIDGE ON THE RIVER KWAI  
(EL PUENTE SOBRE EL RIO KWAI)  
Cur: William Holden - Alec Guinness - Jack Hawkins  
Fl. 2.25

RIALTO  
18 anja  
8.00 'or  
LA ESCONDIDA  
Cur: Maria Felix - Pedro Vargas  
Fl. 1.—

PRINCIPAL  
18 anja  
8.00 'or  
SHOWDOWN AT ABILENE  
Cur: Jack Mahoney - Martha Hyer - Lyle Bettger  
Fl. 1.—

AURORA  
18 anja  
7.30 'or  
SCARAMOUCHE  
Cur: Stewart Granger - Janet Leigh  
Fl. 0.50

SAVANETA  
18 anja  
7.30 'or  
JOHNNY TROUBLE — El Hijo Que Nunca Volvió  
Fl. 0.75

ATTENTION  
EXCHANGE YOUR EMPTY PACKAGES OF

Chesterfield CIGARETTES  
L&M FILTERS  
OASIS FILTER CIGARETTES

FOR FINE QUALITY, USEFUL FAMOUS „CANNON“ TOWELS AT  
ARUBA TRADING COMPANY  
Oranjestad — San Nicolas



# BAAS TOMMY



## y su amigonan di Arubaanse Courant



### Secretonan Di Oceano Pacifico

Den vecindario di e isla Yeso, Oceano Pacifico of na hulandes Stille of Grote Oceaan, tin lugar cu ta yega na un profundidad di 8.500 meter. E cifra aki ta duna bo un idea numa con hundu e lamannan cu ta dividi e islanan Japonés foi otro ta. E profundidad espantosan aki semper a interesa hende y na lugar di batin hende spanta. Awor ta parce cu e miedo ta kita gradualmente y na lugar di miedo ta bini curiosidad.

Berdaderamente e oceanografonan ta haci tur esfuerzo pa descubri e secretonan dje experimentonan atomico cu placer lo kier haci uso dje profundidanan aki pa deponer e restantenan di atomico, na unda esaki lo no por haci ningun danjo na humanidad.

Un corant japonés „Asahi Shinbum” cu un circula-

cion di tres miljoen cincocien mil (3.500.000) ejemplar (y segun otro fuenteenan di informacion esaki ta yega te hasta 4.000.000) a stimula un campanja grandi pa e profesornan por bai descubri secretonan den Oceano Pacifico. E corant aki entre otro a suplica comandante Houot y su batiscaaf pa nan cooperacion.

Comandante Houot y su batiscaaf a sali di Japon durante luna di mei di anja pasa y dia 1 di juni u.p. e aventura grandi a cumisa.

E batiscaaf, FNRS-3 a worde hiba pa Onagawa-baai, na 320 milla pa Noord di Yokohama. Preparacionnan pa baha den oceano a tuma hopi tempo y hopi baha Houot tabata worde interrumpi door di mal tem-

po. Di 14 di juni te pa medio di augustus comandante Houot a baha den e oceano cu su batiscaaf varios biaha. Cada biaha e tabata riba huntu cu ne un representante dje corant „Asahi Shinbum” of un dje profesornan. Un profesor Niino



di un universidad di Tokio a baha un biaha te na e profundidad di 2.800 meter. E tabata asina entusiasma cu bo no por a kitele di e asina di ningun moda. Durante tres luna largu e corant japonés menciona a dedica columnanan yen tocante e expedicion di comandante Houot y gracias na e articulonnan aki y un serie di fotonan e lectornan por a keda na altura di e descubrimientonan.

E resultado científico dje expedicion aki tabata enorme grandi. Houot a logra proyecta e prome mapa di e corrientenan (stroom) di bao di laman; e dos corrientenan principal di mas importante ta pasa banda di Onagawa na 3.000 m y banda di Tokio na 2.800 m. Segun Houot e plankton



Den dianan aki na Europa y na Merca ta friu mes ta corta. Aki un aspecto na Detroit Mich., na unda Mary di 3 anja y Lillian di 6 anja, ta kita panja foi cabuya pa nan ma Sr. Jolakai. Nan ta demostra con stijfe panjanan ta keda door di e frialdad.

den vecindarianan aki ta mas desaroya cu den Mediterraneo (Middellandsche Zee). Su opinion ta cu tin mas planta pero menos animal di lake nan a pensa na principio.

Gracias na ciencia, e tecnico, y curashi di e hendernan, e oceananon lo mester entrega nan secretonan gradualmente... pero sigur.

### ETIQUETA


Un mucha cu bon manera ta cura semper pa otro hende no tin molestia dje. Bosonan ta corda esaki ora boso ta toca radio of disco?

Bo ta habri radio net basta pa abo bo goza di e muziek? Of...bo ta habri e radio tur cu tin cu tur bisinjanan mester tende e programa cu bo ta scucha, maske nan ke of no? Podiser net e bisinjanan ker a scucha novela, pero bo radio ta manda „cha-cha-cha” asina duro, cu e pobrecito ta perde tur su novela. Cuenta di habri radio tur cu tin, forza tur bisinjanan di scucha BO radio, ta cos di sin manera. Ta falta di etiket.

Podiser net e dia ey Shon Kaurien tin un dolo di cabez di grita. E ta busca moda di pega sonjo, mira si e dolor por pasa. Pero bo radio ta sona manera un danderboos den su cabez. Un ta pica? Un ta falta di consideracion cu bo prohimo?

Otro biaha cu bo ta bai scucha radio, corra riba bo bisinjanan, y baha maske ta un tiki...

WARENHUIS v.d. REE  
pa tur sorto di  
COS PA HUNGA



### Aguila Gris y Dakota Bill

(Pa muchanan mas grandi)

Nr. 16

Clusky, Dakota Bill y e dos bandidonan Shorty cu Ned, kende en realidad awor ta prisionero di Clusky ta corriendo pa nan bida, pa un trupa di indiannan dje tribu Ogalalla. Un poco prome cu nan a topa cu Clusky, e mes Ogalallanan aki a dal Bud, e otro bandido, un tomahawk den su lomba y a eliminá esaki di combata pa seunior. Aha nan ta sigur di nan triunfo mientras nan ta persigui e enuiterianan aki awor y nan ta dal na grito di triunfo, un grito cu ta haci bo curpa cohe ril.

E indiannan tabata hopi serca, ora cu Clusky ta drei patras y los poco tiro irba nan rapidamente. Nan ta parti for di otro y ta tene nan pony un poco patras, pero awor nan ta formando un circulo rond dje blancunanan. Mes ora nan ta cumisa cu e tactico cu ta sara hende, y traha riba bo nervionan, cual specialmente pa oponentenan sin experiencia semper tin e resultado funesto. Un biaha di aki banda, otro biaha di otro banda e indiannan ta corre dreto mas acerca pa manda un tomahawk, of los un tiro of un flecha. Mientras e blancunanan ta bai riba nan pa kibra e atake, otro ta hala cerca. Asina nan lo sigui continuamente. Pero Clusky ta un scout di soldadonan y unicamente hendernan cu experiencia ta hanja e puestonan aki. Cu calma e ta ordena e otronan pa desmonta di nan cabai,

cual nan ta pone drumi nan dilanti, manera un barica-da. Inmediatamente e Ogalallanan tambe ta cambia di tactico trobe. Bill ta mira con nan ta bula di nan pony y ta busca cubierto tras di matanan, y cobanan den e terreno. Nan no ta percursa cu e tactico cu ta sara hende, y traha riba bo nervionan, cual especialmente pa oponentenan sin experiencia semper tin e resultado funesto. Un biaha di aki banda, otro biaha di otro banda e indiannan ta corre dreto mas acerca pa manda un tomahawk, of los un tiro of un flecha. Mientras e blancunanan ta bai riba nan pa kibra e atake, otro ta hala cerca. Asina nan lo sigui continuamente. Pero Clusky ta un scout di soldadonan y unicamente hendernan cu experiencia ta hanja e puestonan aki. Cu calma e ta ordena e otronan pa desmonta di nan cabai,

Di repente Clusky ta pone su scopet un banda y ta prepara su las. E la ripara un movicion serca di dje y ta hanja un idea.

„Cuidao”, e ta bisa e otronan poco-poco. „Tin un di nan hopi pega cu mi.” E ta lamta para y manda su laso, net e indian tambe ta manda su tomahawk, pero e laso ta cai den su brazanan y e tomahawk ta cambia di rumbo. Liher Clusky ta hala e indian trece paden, e ta mara su pianan y brazaonan y ta pone huntu cu nan tras dje cabaynan.

Tur rond e indiannan a cumisa ta grita furiosamente. „Laga e indio los. Hacie-

embargo e scout no ta perde cabez ningun ora so, cu calma e ta drumi kouw su tabacu. Tambe e dos prisioneronan ta comporta nan hopi bon. Bill unicamente tabata poco benauwd, apesar cu ningun hende lo ripara esaki. E no tabatin ni un cuchu ni su scopet ni revolver huntu cu ne, asina ora e indiannan ataca ta cu man e mester defende su mes, pero e la dicide di entrega su pellego mas caro cu ta posibel. Asina varios ora ta pasa y no ta bini ningun cambio, aparentemente e indiannan ta sigur di nan triunfo, y nan no tabatin ningun clase di ansia. Luna ta sali y tabata mescos cu ta un lampi grandi a cende riba nan cabez. Asina mes Clusky no ta logra mira nada su dilanti. Y toch nan sa cu e enemigo ta hopi cerca awor....

Air Condition  
your home

Di repente Clusky ta pone su scopet un banda y ta prepara su las. E la ripara un movicion serca di dje y ta hanja un idea.

„Cuidao”, e ta bisa e otronan poco-poco. „Tin un di nan hopi pega cu mi.” E ta lamta para y manda su laso, net e indian tambe ta manda su tomahawk, pero e laso ta cai den su brazanan y e tomahawk ta cambia di rumbo. Liher Clusky ta hala e indian trece paden, e ta mara su pianan y brazaonan y ta pone huntu cu nan tras dje cabaynan.

Tur rond e indiannan a cumisa ta grita furiosamente. „Laga e indio los. Hacie-

le danjo, cacho blancunanan y uno pa uno nos lo soya bosonan bibo”.

„Cuidao cu ami no ta soyele bibo. Clusky ta contesta sin miedo. „Ami no a busca bosonan trobbel, pero si bosonan kier conoce mi, wel laga bini. Pero uno ta keda morto sigur”.

Na su tono bo ta mira cu e lo haci loke el ta bisa. Apesar cu e ta un bon hende, pero den West ta duro contra dur.

E indian preso tambe no tin miedo di muri.

„Mi metsie-dee, mi.” — No preocupu pa mi, muchanan, ataca, ataca”, e ta grita su companjeronan.

„Ya sjitsee to-tsie woche”. — Bin busca nan scalp.”

E Ogalallanan ta parse ta duda. Mira un companjero perde su bida durante un su morto mientras por evita pelea ta un cos, pero causa esaki ta preferibel. Tabata un bon idea di Clusky di usa su laso.

Mientras e blancunanan ta sperando kiko e indiannan ta bai haci awor, un figura nobo ta dreto den e escena. Bill y Clusky ta reconoce e stem hoben mes ora. Aguila Gris a cruza nan caminda atrobe, awor pa scapa su ruman.

„Wardá boso armanan, indiannan sabio. Laga e blancunanan na bida te ora cu mi termina di papia cu boso. Y blancunanan pone boso armanan un banda e ta bisa. Mi ta bini den paz”.

„Bo por conta cu nos”.

Clusky ta contesta. „Si e diabel corraian ei comparta nan mes anto no tin dificultad”.

„Ta kan ta risca manda

nos pone nos armanan abao?” Un otro stem ta contesta furioso.

„Ta un guerrero fuerte, anto haci su nomber conoci. Anto nos lo sa si e tin e derecho di duna Cabai Guapo, algun comando”.

„Un hoben guerrero lo por duna comando na un homber grandi manera Cabai Guapo: Nunca, pero e por expresa un aviso, ora cu e mira cu algu ta bai malu. Ta Aguila Gris kende ta papia”.

„Ah, Aguila Gris”, e hefe di indian ta contesta cu respect awor. El ta bon bini y el tin derecho di papia. Lo ta „sina, nos armanan ta poni un banda te ora cu e caba di papia”.

Shorty y Ned, cu no ta comprende e idioma indian no por comprende nada dje conversacion y ora Clusky cu Bill ta lanta para y menta nan ta keda boca habri.

„Tin pas pa algun momento, Clusky ta splica nan. Nan no ta haci nos nada por lo pronto”.

Nan ta mira con e indiannan ta sinte den un circulo mientras Aguila Gris so ta keda para, pasobra e tin palabro.

„Gran Hefe y rumanan, ta bon pa un ruman mira con otro ta mata su mes ruman? Ta bon pa keda ketu ora cu e ta mira e otro den peliger? No, no ta bon”.

Y e hefe ta di acuerdo cu ne. „Pero kan Aguila Gris kier men, ta su ruman, e blancunanan ei?”

„Si, un di nan ta mi ruman, gran hefe. Nunca gran hefe no a tende cu Aguila Gris tin un ruman blancu, cual e gran hefe Dravende Vos a tuma como jiu?”

„Si, mi a tende di dje. E ta un bon blancu, esey nos so, y nos no kier haci ningun danjo na un jiu di Dravende Vos. Pero tin otro blancu huntu cu ne, nan tambe ta ruman di Aguila Gris?”

Aguila Gris ta laga e pregunta ei sin contesta.

„Tin hopi blancu malu, cu ta bisti manera nos pa pasa pa indian, y nan ta mata nos muhernan y nos jiuunan, y nan ta mata muher y jiuunan di otro blancu tambe, pa laga pasa cu ta

e indiannan ta haci esey. Gran hefe ta na altura di esey?”

„Si, mi sa di esey”, Cabai Guapo ta grunja. Nan mester worde mata mas liher mas mihor”.

„Wel e blancunanan aki ta buscando pa henja nan”, Aguila Gris ta declara. Nan ta corriendo nan tras y no tras dje Guapo Ogalallanan. Gran hefe kier mira poco hende asina tambe morto?”

„Nos ta bringa cu e blancunanan of no?” E ta puntra furioso atrobe. „Nos a cumisa of ta nan a cumisa? Pakiko nan no a laga nos na paz? Nan tabata kier bringa, wel laga nan bringa awor te nan fin”.

— E ta sigui.

### BIRANDO CIEGO PA SEMPER



Hugh Thornhill ta hari contento cu su bolo di cumpleaños, na ocasion di celebracion di su 7 anja na Natches, Miss., poco prome cu e mester sali pa San Francisco, na unda un dokter tabatin exito cu tratamiento di victimanan manera Hugh pa mira si por salba su wowo robez ainda. Su wowo drechi a worde saca caba cuater anja pasa. Hugh no tin muchu bista tampoco den e wowo robez. Glaucoma ta un enfermedad cu ta destrui bista — cu hopi dolor — pa motibo di presion den pipita di wowo. Nos ta spera cu e dokter na San Francisco lo tin exito cu Hugh,

# REBAJO DI PRIJS na MESKER

## DI MUEBLES MODELO 1957

**PORCHSET DI ALUMINIUM**  
consistiendo di sofa y 2 stool antes Fl. 104.—  
AWOR Fl. 85.—


**STOEL APART DI ALUMINIUM**  
cu ta sera antes Fl. 26.50 AWOR Fl. 19.—  
otro modelo antes Fl. 20.— AWOR Fl. 16.—

**STOEL CHKITO DI MUCHA DI ALUMINIUM**  
antes Fl. 19.— AWOR Fl. 13.—  
otro modelo antes Fl. 17.— AWOR Fl. 12.—

**STOEL DI ZOJA DI ALUMINIUM**  
antes Fl. 56.— AWOR Fl. 45.—

**SET DI ROTAN**  
consistiendo di un sofa cu 3 stool antes Fl. 145.—  
AWOR Fl. 85.—

**TUR COS NA CONDICION FACIL PA PAGA.**



Nassaustr. 7 Tel. 1325

### GRATITUD

Los hijos, nietos y demas familiares de la extinta señora Juana Nazer de Virep (q.e.p.d.) expresan su mas sincero agradecimiento a todas aquellas personas de quienes recibieron manifestaciones de condolencia en la muerte de tan querido deudo.

Haacen extensiva su gratitud al Rvdo. Padre Burgemeester y al Padre Capellan, Herrerias, medicos y enfermeras del Hospital San Pedro por la esmerada atencion que le prestaron durante su enfermedad y muerte.

Aruba, Enero 1959.

No hay tarjeta especial.

**De Heer Leoncio Pedro Gonzales Croes en Mevrouw Rosalinda Croes**

hebben het genoegen hierbij kennis te geven van het voorgenomen huwelijk van hun dochter

**Stella Violeta**  
met de heer

**Mauricio van der Ree P.**

waarvan de voltrekking zal plaats hebben op 23 januari a.s. des avonds om 7.00 uur in de R.K. Kerk Sint Franciscus te Oranjestad.

Receptie 8 uur n.m.  
Adriaan Laeche Boulevard no. 8  
Oranjestad - Aruba.

Gelieve dit als een persoonlijke uitnodiging te beschouwen.

# PAGINATRES

## Dia 15 di otro luna R.C.A. ta

(Continuacion di pag. 1)

Guatemala ta e pais cu nan a bishita na anja 1949, na unda nan a keda for di dia 8 te dia 15 di juni. E resultadonan di e diferente partidonan hunga na e pais di quetzal tabata: I.R.C.A. vs R.C.A. 1-1; Municipal vs R.C.A. 2-2; Espana vs R.C.A. 0-1; Selección di Guatemala vs R.C.A. 4-0; Universitaria vs R.C.A. 1-5. Indudablemente e jira aki por a ser yama exitoso.

Na 1950 nan a bolbe bai Haiti pa hunga cuatro partido. Den e promer nan a derrota Excelsior 3-2. Luego nan a hunga tres wega contra di e seleccion haitiano. E dos promernan tabata den favor di e haitiano cu score di 4-0 y 4-2, pero e tercer a termina den un empate di 2-2.

Tambe na 1951 e fuerte onensa di R.C.A. a bai hunga den exterior. E biaha aki tabata na Guayana Ingles (B.G.), caminda nan a gana Infantry 1-0. Contra di e Selección di B.G. nan a hunga cuatro biaha ganando dos 4-1 y 1-0 y empatando e otro dosnan 0-0 y 2-2.

Barranquilla, Colombia ta e proximo ciudad cu por a mira e muchanan di R.C.A. den accion. Esaki tabata na anja 1955.

Luego na 1956 R.C.A. a haci un trip pa Suriname. Aki nan mester a hunga cuatro biaha obteniendo e siguiente resultadonan: Robin Hood

vs R.C.A. 1-0; French Guiana vs R.C.A. 2-3; Transvaal vs R.C.A. 4-1; combinacion di Robin Hood y Transvaal vs R.C.A. 1-2.

For di den fila di R.C.A. a sali hopi hungador cu a defende number di nos isla den hopi ocasion. Esun cu sin duda alguna tin mas fama ta e gordo Chas Loefstok, kende cu su formidable shotman ecajazo tabata e terror di tur equipa contrario Otro hungador di e linea delantero cu tabata peligroso den tur instante pa su ligereza y habilidad tabata e chikito Angel Chirino, kende ainda ta yuda e deporte di futbol actuando regularmente como referee.

Otro nombrenan cu a duna R.C.A. hopi gloria ta Jossy Brokke, Tommy Tromp, Charlie Becker, Daniel Kelly, Pimenta, Vi Henriquez como keeper y ainda varios otro mas.

Di e hungadornan mas recien cu a duna nan club hopi gloria nos mester menciona Mateo Reyes, un di e mihor keepernan cu nos isla a conoce: Janny Brokke, Cai Helder, Juchi Jansen, Mirto Laeche, Benny Pingal, Gabriel Kelly y K. „Cabayo” Jacobs.

Di e hungadornan mas recien cu a duna nan club hopi gloria nos mester menciona Mateo Reyes, un di e mihor keepernan cu nos isla a conoce: Janny Brokke, Cai Helder, Juchi Jansen, Mirto Laeche, Benny Pingal, Gabriel Kelly y K. „Cabayo” Jacobs.

Na 1952 dos hungador di R.C.A., Janny Brokke y Cai Helder a worde selecciona pa forma parti di un seleccion di Antillas Holandesas cu a bai hunga na Helsinki. Esaki sin embargo no tabata e unico biaha den cual hungadornan di R.C.A. a forma parti di un seleccion antillano. Durante e Campeonato di Centro-America y Caribe teni na Costa Rica den

anja 1956 a bai Janny Brokke, Cai Helder, Juchi Jansen, Gabriel Kelly y K. Jacobs.

E anja aki na e VIII Juegos Centro-Americanos y del Caribe cual ta ser teni na Caracas e hungador di R.C.A. a forma parti di e seleccion antillano. E hungador aki actualmente ta ser considera como e mihor den Antillas den su posicion.

Pero no ta den ramo di futbol so e miembronan di R.C.A. tabata activo. Nan a participa den campeonato di softball, basketball y tennis tambe. Di esakinan esun cu tabata duna nan mas exito tabata basketball, di cual nan a obtene e campeonato di nos isla na anja 1951, cual campeonato nan a keda cu ne te na anja 1956. Un quinteto lemening di R.C.A. a bira campeon di nos isla na anja 1953.

Bolbiendo ariba e tema di futbol. Na anja 1957 R.C.A. pa di 18 biaha a bira campeon di Aruba. Indudablemente cu esaki ta un record sumamente dificil pa iguala.

Un paso grandi a ser tuma na anja 1953 bao di presidencia di Sr. J. P. Zep Oduber ora cu R.C.A. a cuminsa contraccion di un Sportcentrum na Solito. E siguiente anja e trabao a keda termina y apertura oficial di e Sportcentrum a tuma lugar.

Un programa provisional a ser traha pa celebracion di 25 anja di existencia. For di dia 1 te dia 7 di Februari lo worde hunga diferente ramo di deporte esta: Futbol, basketball softball y tennis, mientras cu tambe lo tin un anochi di baile.

Dia 15 di Februari lo ser teni un misa. E mes un dia lo tin un recepcion den e Sportcentrum.

For di awor nos ke felicita e club aki cu den tanto ocasion a defende number di nos isla den magnifica forma cu nan hubileo cu nan lo festeha proximo luna y nos ta desea nan hopi anja mas yen di exito.

Tel. 1637 Roadweg 49  
**BLOEMHUIS ROZENHOED**  
pa:  
**FELICITACION DI NACIMENTO**  
Laga un experto haci bo trabao.



Esaki ta un dje futbolistanan bieuw di mas popular di R.C.A.: Chirino, kende di 1939 te 1950 constantemente tabata den elftal arubano y actualmente ta den e veteranonan di R.C.A. E generacion actual conoce mihor como referee.

### NA UN DESPEDIDA



E foto aki a worde tuma durante un despedida di pader Standenmeijer, kende tabata nan geestelijke adviseur. Para patras nos ta! reconoce di r.p.dr.: Damian Tromp, Frans Kelkboom, Chas Loefstok, Mateo Reyes, Antonio Morales, Maiky Vingal, Daniel Kelly, Eligio Tromp y Modesto Oduber. Dilanti di r.p.dr. ta Tommy Tromp, pader Stander meijer, Benny Vingal, Charles Becker cu net tras di dje Frans P. Wever y por ultimo den hoeki dilanti e trainer Ingles di R.C.A. den e tempo ei.

### Un Descubrimiento Sensacional pa Tuyuchi

Despues di morto di su muhe el a bira un bandolero... cu tabata zweif di un pais na otro pa motibo di su mes desesperacion. Riba un atardi el a bai resulta na Granada cerca un combito di turista of mihor dicho e combito di turistanan a bini cerca dje y denter di nan tabatin un dama cu a pone recorda den su curazon su muhe defunta, su esposa adora cu tabata su diosa. E tabatin wowonan bruin y su cabeynan tabatin color di palo di mahok. Sra. Dawson tabata esbelta y entusiasma

Choose a bed for the REST of your life  
**AUPING**  
MESKER - agents

y cu poco palabra e conde y e dama aqui a bin drenta cu otro. Y practicamente el a acepta e conde pa „compasion”. Sra. Dawson tabata admira e viudo solitario aqui y el a suplique di hacie participante di su sufrimientonan. Y sabiendo cu toch un dia lo e mester casa, e conde queste a quere cu e muhe aqui tabata suave y bondadoso manera e tabata parece, a diendi di drenta cu el. Siembargo no a dura mucho cu el a bin convence di su error. Pasobra e muhe aqui no tabata por a para ni

### Cumpleaños feliz

Pa cortesía di **MARIO'S**  
— nos tin tur cos pa bo fiesta —

E hobencito Agesto Alberto Mathilda ta cumpli 10 anja. Felicitation ta bini di su tata, mama, rumannan, sobrinanan, primonan y demas familia Mathilda.

E hobencita Agnes Ras ta celebra su feliz cumpleaños y ta ricibi felicitation di su tata Simon, mama Petra, 6 rumannan, wela Marcelina, omo y tanta, madrina, primo y primanan, padrino, especialmente di su amiga Florentina Ras.

Sra. Florentina Wester ta celebra su feliz cumpleaños. E ta ricibi felicitation di su esposo, Jhu Adri, tata, suegro y suegra, 8 cunjanan, y demas familia.

Bo mester di un regalo pa bo esposa?  
**MARIO'S**  
FIN FLOORPOLISHER

Awe ta cumpli anja Senjorita Altigracia Semeleer. Felicitation ta bini di su tata, mama, 9 rumannan, sobrinanan, amiga y amigonan, especialmente di N.M.

Ta celebra su feliz cumpleaños e hobencito Theofilo Lampe. Felicitation ta bini di su tata Willem, mama Antonia, rumannan Pablo, Rita, Chia, Lena, Frenk y Maritza Lampe, tambe di su madrina Catharina Croes y padrino Luis Croes, wela Theofilo Lampe, y Porfiro, wela Jacinta Croes, tantanan Ida, Ina, Nini Croes y di Buchito y Binchi Croes.

Pa aviso y tur correspondencia pa "Arubaanse Courant" dirigibos na: **NUMERO 1116 Direccion y Aviso**  
Telefono 2116 Redaccion y Subscripcion  
Numero bux di ARUBAANSE COURANT ta estableci na: Union Store, Main Street, San Nicolas

### AGENDA DIARAZON 21 DI JANUARI CINE

**DE VEER**  
8:30: "The Bridge on the River Kwai"  
**RIALTO**  
8:00: "Las Escudillas"  
**FRINGIPAL**  
8:00: "Showdown at Abilene"  
**AURORA**  
7:30: "Scaramouche"  
**SAVANETA**  
7:30: "Johnny Trouble"

### TAORO - MANGO juice

**BOTICA DI WARDA:**  
Oranjestad: Botica del Pueblo, tel. 1253.  
San Nicolas: Botica Central, tel. 5119.

### AIR CONDITIONING

**PARTERA DI WARDA:**  
Zr. E. S. T. Braumuller, tel. 1355

**"A.A."**  
Tel. Clubgebouw 2341  
Tel. P. C. Harting 2010  
Tel. despues di ora di oficina 1522

### RADIO CARACAS TELEVISION

Canales 2, 7 y 10  
Miércoles, 20 de Enero  
7.55: Marcha Oficial  
7.57: "Informacion Programas del dia"  
8.00: Lo de Hoy  
9.30: "Concurso "Papa Noel"  
10.40: Pelicula  
12.00: Show de las Doce  
1.15: Su Novela Fab-Vorita  
1.30: El Imparcial Television  
2.00: Pelicula  
4.00: Club Femenino  
5.00: Cosas de Mujeres  
5.30: La Perfecta Ama de Casa  
6.00: Show de Renay  
7.00: Cortos Cinematograficos  
7.15: La Novela Unico  
7.30: Papa lo sabe todo  
8.00: El Observador Creolo  
8.15: Su Novela Palmolive  
8.30: Tema con Variaciones  
8.45: Cortos Cinematograficos  
9.00: La Novela Camay  
9.15: La Novela L&M  
9.30: La Revista de Big Ben  
10.00: Bingo general  
10.30: Cineprograma  
12.00: Despedida—Himno Nacional

### Glands Made Young - Vigour Renewed Without Operation

If you feel old before your time or suffer from nerve, brain and physical weakness, you will find new happiness and health in an American medical discovery which restores youthful vigor and vitality quicker than almost any other treatment. It is a simple home treatment in tablet form, discovered by an American Doctor. Absolutely harmless and easy to take, but the newest and most powerful invigorator known to science. It acts directly on your glands, nerves, and vital organs, builds new, pure blood, and works so fast that you immediately feel new body power and vigor in 24 to 48 hours. Because of its natural action on glands and nerves, your brain power, memory and vitality are immediately restored.

### Vi-Tabs

Restores Manhood and Vitality

### VOOR BETER ZIEN EN BETER UITZIEN naar "OPTICA SYLVIA", Uw brillen specialist Thans ook op Aruba.

**Uncle Ben's CONVERTED LONG GRAIN RICE**  
Helps grow healthier bodies because it gives you twice the natural B vitamins of ordinary rice

